

目錄

總務

省長委令梅尉南爲醴陵縣知事由

黃本湧 綏寧

省長委令龍 霖爲新寧縣知事由

陶懋頤 寶慶

省長委令李笏山爲道縣知事由

內務

省長指令長沙市政公所總理黃一歐呈明工巡隊處理事項與警察職權並無抵觸各情形由

省長指令岳陽縣知事魯蕩平呈請核示保存學士廟古鐘由

省長致國際統一救災總會公函

省長訓令各縣知事案准國際統一救災總會函開北省旱災人民賣子鬻女懇轉飭各該地方官嚴加

禁制仰該知事遵照辦理由

省長訓令警務處周介禔案據湘潭縣知事呈爲該縣議會咨開公民周篤修等請維持省案裁撤設局

爲人民減輕負擔仰該處長遵照由

省長指令石門縣知事趙恆默呈覆境內確無種植烟苗及軍官包運烟土情事由

省長指令零陵縣知事呈報執行烟犯彭嘉瑞死刑日期並賣報口領據請核備案由



省長訓令財政廳據零陵譚知事呈報執行烟犯彭嘉瑞死刑日期並費報口領據請核備案仰該廳知

照由

省長咨覆省議會文

省長致湖北王督軍電

省長咨覆省議會文

省長咨覆省議會文

省長訓令各縣知事案准湖南省議會咨開據沅陵縣議會議長馮景奎等電稱閉會後議長議員可否

常駐經公決暫行條例規定仰該知事轉行遵照由

省長指令通道縣知事呈報辦理禁烟情形及禁烟科應否裁撤請核示由

省長指令益陽縣知事呈請縣議會請恢復城鎮七區議董兩會請示遵由

省長咨覆湖南省議會文

省長致石門澧州電

省長覆陳司令電

教育

省長指令新甯知事呈明七八兩年度表以兵士佔駐勸學所案卷無存難於填造並查九年度表由

省長指令寶慶縣知事龍磊呈費愛蓮女師範員生一覽表請核備案由

省長指令省立第三師範學校校長顏方珪呈資憑單請發已故學監劉乙照卹金由

省長訓令財政廳案據第三師範學校呈資憑單請發已故學監劉乙照卹金仰該廳遵照給領由

省長批長沙建築業會何壽松等呈爲開辦夜校資具簡章鈐記請核備案由

省長批清理船山書院委員蔣森等呈報清理該書院財產情形由

省長訓令衡陽縣知事據清理船山書院委員呈報清理該書院財產情形仰該知事遵照辦理由

省長訓令各教育機關案查九年度預算因軍事影響經費未確定數目應按照每月先後核撥補發

數繕彙案仰該校館會遵照由

省長指令私立道南中學校校長萬頌銘呈資第五班插班生一覽表請核准備案由

省長覆留日學生監督處公函

省長訓令各縣知事案准留日學生監督處函開據留日湖南自費生團呈請咨請令飭各縣妥籌津貼

仰各該知事遵照妥議呈覆由

省長指令省立第三女子師範學校呈擬借校屋開辦工廠請核示由

省長批交通部立上海工業專門學校湘生陳華松呈請補給公費由

省長指令常德私立清真高等小學校呈爲因兵損失請款補助由

省長指令省視學潘寶岑呈報視察祁陽縣學務情形由

省長訓令祁陽縣知事據省視學潘寶岑呈報視察該縣學務情形仰該知事轉飭遵照由

省長指令宜章縣知事朱樹欣呈爲中華工會分會辦理簡易識字學校費具簡章請核備案由

實業

省長指令財政廳呈報命發漢壽榮福公司請探馬頭鄉等處煤礦執照請備案示遵由

省長訓令耒陽縣知事案據財政廳據該縣知事劉虞轉呈縣農會幹事胡熙等呈請抽收竹木捐作爲

農林經費仰該知事轉飭遵照由

省長指令臨湘縣知事呈覆建修堤閘情形懇轉令照准前案撥給歷年經捐由

省長批牛皮業商福利等呈爲公訂幫規請核備案由

省長批華容縣民孫伯助等呈請飭縣解除張蔭祚護城垸修坊處長職務並請減輕堤費由

省長訓令華容縣知事案據該縣民孫伯助等呈請飭縣解除張蔭祚護城垸修防處長職務並請減輕

堤費仰該知事查明具覆由

省長指令嶽麓森林培植局經理何勁呈費造林計畫書由

省長指令郴縣城區農業分會會長曾澍霖呈爲商販刁狡奸詐叢生懇頒發佈告由

省長訓令郴縣知事案據該縣農業分會會長呈商販刁狡奸詐懇頒發佈告以全民命而維農政仰該

知事遵照覆奪由

省長批新化鄒德潛等呈爲擬設林業公會懇准立案並飭縣照章保護由

省長指令農事試驗場場長歐陽藩呈爲擬具簡章修改預算請核示由

財政

省長指令財政廳呈以總金庫擬將每日收入之款平均支配請令飭各機關遵照一案由

省長訓令各機關案據財政廳轉呈總金庫擬將每日收入之款平均支配仰該 轉飭所屬遵照由

政務廳致高等 審判 檢察 廳函

省長財政廳呈請令飭水利局收入繳解金庫以便統籌由

省長訓令水利局案據財政廳呈請令飭水利局收入繳解金庫以便統籌仰該局長遵照辦理由

省長指令桂陽縣知事呈報帶徵十一年田賦附加業經縣議會議決請備案由

省長訓令財政廳據桂陽知事呈報帶徵十一年田賦附加業經縣議會議決請備案仰該廳知照由

省長咨覆省議會文附錄省議會來咨並救濟辦法條例

省長指令岳陽縣知事魯蕩平呈請免徵救貧工廠出品稅釐及獎勵廠長主任由

省長訓令財政廳案據岳陽知事呈請免徵救貧工廠出品稅釐及獎勵廠長主任仰該廳長遵照由

造幣廠

省長訓令權運局案查收支報告為財政公開要件久經擬定書式通令填造迄未依限辦理令催該局遵

警察廳

照補造由

省長指令財政廳呈覆變通田賦加息限期由

省長批湖南商民代表陳植南等呈請取銷釐局證金候令行財政廳妥籌辦法呈候核妥由

省長訓令財政廳案據湖南商民代表陳植南等呈請取銷釐局證金候令行財政廳妥籌辦法呈候核奪仰該廳長遵辦由

省長指令鄱縣知事劉明鏡呈送十年三月份收支報告書由

司法

湖南高等審判廳指令華容縣知事沈鎮湘呈報驗斷劉胡氏命案情形由

湖南高等審判廳訓令芷江縣知事吳劍佩案准財政廳函開據該縣吳知事呈請准予免扣業經通令各縣減薪支給仰該知事知照由

湖南高等審判廳指令華容縣知事呈為呈覆方張氏一案情形由

湖南高等審判廳指令新甯縣知事呈報林鄧氏服毒身死相驗情形由

湖南高等審判廳訓令各縣知事案查本廳九年一月將辦理案件各要點十五條重行油印通令仰該知事遵照辦理由附辦理案件各要點條例

湖南高等審判廳^{民刑}庭公開審理日時通告

總務

湖南省長公署委任令

令署理醴陵縣知事梅尉南

為令委事案照醴陵縣知事黃經綸辭職應即照准遺缺查有該員堪以署理除分行外為此令委該知事即便遵照尅日馳赴醴陵縣接印視事仍將到任日期暨接收交代情形連同履歷具報備查此令

趙恆忍

中華民國十年五月十五日

湖南省長公署委任令

調署綏甯縣知事新委新寧縣知事黃本溥
令調署新寧縣知事現署寶慶縣知事龍 磊

署理 寶慶縣知事 陶懋頤

為令委事案照綏甯縣知事高柱鰲調省另候差委遺缺以新委新寧縣知事黃本溥調署遞遺新甯縣知事一缺以現署寶慶縣知事龍磊調署遞遺寶慶縣知事一缺以陶懋頤署理除分行外為此令仰該知事遵照尅日馳赴新甯縣接印視事仍將到任日期暨接收交代情形連同履歷具報備查此令

寶慶

趙恆忍

中華民國十年五月二十二日

總務

湖南省長公署委任令

令署理道縣知事李笏山

爲令委事案照道縣知事余鯤調省遺缺查有李笏山堪以署理除分行外爲此令委仰該知事即便遵照尅日馳赴道縣接印視事仍將到任日期暨接收交代情形連同履歷具報備查此令

趙恆惕

中華民國十年四月二十二日

內務

湖南省長公署指令

令長沙市政公所總理黃一歐

呈明工巡隊處理事項與警察職權並無抵觸各情形由
呈悉據稱該公所工程隊處理事項專屬於經營之工事爲限此外均不屬於管轄之範圍等情職權既
明定限制姑准試辦惟我國警察舉辦有年人民亦習與相安核閱所擬簡章既有預審室及拘留所之
設置所有處分亦係援用現行違警條例仍應做照北京濟南等處成案改爲工程巡警不必另立名稱
致敢驚疑仰即更正另繕候核奪此令簡章發還

計發還簡章一份

趙恆忍

中華民國十年四月二十九日

湖南省長公署指令

命岳陽縣知事魯蕩平

呈請核示保存學士廟古鐘由

呈 保存古物早有明令何得倡議變賣致起爭端該鄉民等強行取藏亦有未合仰即勒令解縣暫交
勸學所妥爲保管不准再議變賣並不得盜換毀壞致干究辦是爲至要此令

中華民國十年四月二十九日

湖南省長公署公函

逕復者案准

貴總會函請禁止人民購買北省災區男女爲優伶娼寮等因到署准此除由本署照錄原函通飭各屬

嚴行遵照查禁外相應函復請煩

察照爲荷此致

國際統一救災總會

趙恆恩謹復

中華民國十年四月二十九日

湖南省長公署訓令

令各縣知事

爲令遵事案准國際統一救災總會函開逕啟者自北省患苦旱災人民賣子鬻女之風與日俱長敝會迭據各分會報告幼年男子多被賣作優伶間有爲粵人買取以作螟蛉女子則盡入娼寮其幸者亦降爲奴婢丁茲浩劫哀籲無門貴省長司牧黎元愛民如子用敢據情上達切懇轉飭各該地方官嚴加禁制對於買賣男子之約應予重懲於第二項買賣女子之約宜於貴管區內各娼寮家按戶隨時切實監

視如收入女子係購自災民於重罰外並勒令退還以絕惡習事關民政除函請內務部通咨外相應函請貴省長轉飭各地方官從嚴禁絕以彰人道至爲竊感此致等因准此除函覆照辦外合行令仰該知事遵即查照辦理並轉飭所屬一體遵照此令

趙恆惕

中華民國十年四月二十九日

湖南省長公署訓令

令警務處長周介倫

案據湘潭縣知事羅崇論呈稱爲呈請事案准湘潭縣議事會咨開爲咨行事案據公民周篤修朱敬仁王訓年黃述澤蔡毅成胡謙吉李邦彥張文起等請維持省案迅撤警廳具請願書內開竊查省議會復議議決湘潭警廳改爲警局一案經省長兩次令行警務處執行警務處藉冬防及戒嚴問題前後呈請暫予緩改稍爲停頓警界份子乃造謠款有着局款無着之詞到處鼓吹希圖簧蠱人民撤銷省案不知廳局兩款同時確定廳款有着何至局款無着且警所尙得支領省款警局反不得支領省款有是理乎蓋無論廳局與所崗警巡長以外官吏皆國俸也又查地方警察廳官制第一條第三項警察局之員額費用應比照地方警察廳酌減是警察局既無一定之官制復無一定之範圍紳縮可以自由照本邑前清甘鵬展王開文等所辦之警察局辦理可照本邑民國李家壽周聲蕃所辦之警察公所辦理亦可其費用一項均不出費會第一次報告書確定警務公所及城區警署歲支經費票紋一萬一千二百

一十二兩八錢折合票洋一萬三千零三十八元一角之預算局款有領則擴充局款無領亦不至因噎廢食有着無着均不成問題也應懇貴會付議表決咨請政府將撤廳改局一案迅予執行查照舊案確定預算並減輕房捐照舊案原數徵收以恤商艱而維鐵案不勝叩禱待命之至等情到會經於四月五日提出大會討論僉謂裁廳設局爲人民減輕負擔既經省議會覆議有案自當力任維持除確定預算另案辦理外須將改局一節即行咨縣等語案經大多數通過相應備文咨請貴知事查照施行此咨等因准此理合備文呈請鈞署俯賜察核指令祇遵謹呈等情到署除指令呈悉該縣警廳改局一案既經省議會覆議表決復經該縣議會議請依照原案辦理應即照章執行仰候令行警務處轉飭遵辦可也此令印發外合行令仰該處長即便遵照執行以維議案切切此令

趙恆昂

中華民國十年四月二十九日

湖南省長公署指令

令石門縣知事趙恆默

呈覆境內確無種植烟苗及軍官包運烟土情事由

呈悉據稱該縣境內尙無種植烟苗及軍官包運烟土情事應免置議至稱該縣人民尙多吸食鴉片應即嚴密查緝照章辦理毋得稍涉寬縱致干未便此令

趙恆昂

中華民國十年五月二日

湖南省長公署指令

令零陵縣知事譚季鵬

呈報執行烟犯彭嘉瑞死刑日期並賈報口領據請核備案由

呈件均悉准予備案至此案報口賞金依照禁烟報口規則第七條應准作正開支仰即知照此令

領據
存

趙恆惕

中華民國十年五月二日

湖南省長公署訓令

令財政廳廳長楊 丙

案據零陵知事譚季鵬呈稱呈報彭嘉瑞執行死刑日期暨該案報口領據懇請鑒核備案事案奉鈞署指令內字第二千二百二十號內開呈及供摺均悉據稱該縣緝獲烟土訊係彭嘉瑞劉桂林合夥販賣劉桂林聞風畏匿彭嘉瑞經拿案訊明直認販賣烟土不諱等情除劉桂林一名應速派得力員警偵緝歸案訊明究辦外該彭嘉瑞一名即應援照禁烟簡章第六條之規定處以死刑用昭炯戒所請變通辦理依照刑律處斷之處殊屬不合報口賞金應查照報口章程第五條第六條之規定辦理併仰知照此令等因奉此知事遵即一面加派得力員警嚴緝逃犯劉桂林歸案訊辦一面遵於三月十六日監提該犯彭嘉瑞一名驗明正身綁赴刑場處以死刑以昭炯戒併將此案印刷白話佈告數百份分貼城鄉各

處俾衆週知以示警惕至該案報口賞金援照報口章程第六條之規定令報口人唐錫臣署名捺押填註二聯報口領據除留一聯存查外理合檢同該報口領據一聯呈繳鈞署察核備案是否准予從正賦項下抵撥伏候指令祇遵謹呈等情並附費領據一紙到署據此除指令呈件均悉准予備案至此案報口賞金依照禁烟報口規則第七條應准作正開支仰即知照此令印發外合行令仰該廳知照此令

趙恆惕

中華民國十年五月二日

湖南省長公署咨省議會文

爲咨復事案准

貴會咨行上年常德被水成災各戶要求蠲緩一案請酌核辦理等因卷查此案在上年譚前省長任內據該縣知事賀學海呈報前來當經令飭詳細造冊呈費備核並未經委員覆勘事後亦未據該知事費冊到署現在事過境遷蠲緩一節事實上殊難核辦准咨前因相應咨復

貴會查照爲荷此咨

省議會

趙恆惕

中華民國十年五月二日

致湖北電

湖北王督軍鑒勸電敬悉施鶴兵燹之餘加以饑饉斯民塗炭憫念同深誼切纓冠敢忘輸粟無如敵省迭遭災棧蓋藏空虛兼入春以來亢暘不雨荒象頓呈湘西各屬斗米漲至四千人民採食蕨薇亦將告罄中路如醴安新寶甯岳陽諸邑類皆顛沛載塗就食無所災區遼闊來日正長善後無方徬徨繞室日前阻禁之舉出於萬不得已况來源已枯事實上更無可避恤鄰在抱肯貽閉糴之羞救死未遑竟冒不情之誚所冀相憐同病而諒普衷圖報高麥謝諸異日臨風佈復無任屏營趙恆惕叩

湖南省長公署咨覆省議會文

為咨覆事案准

貴會咨開為咨行事本會二十日開大會時議員林令鑑臨時動議略謂現在吾湘各處穀價日增已呈荒衆倘再運米出口不獨將來青黃不接刻下即已無米可炊應請政府將未經發出之米捐護照全數取銷實行閉關以維民食等語當經多數贊同相應備咨貴省長請煩查照辦理並希見覆施行此咨等由准此查邇來穀價日昂民食恐慌出口穀米早經明令禁阻所有未經發出之米捐護照六十四萬四千包亦經令飭財政廳妥為封存一俟秋稻登場禁令取消再行儘數銷售以裕稅源在案茲准前由相應備文咨覆請

煩查照為荷此咨

湖南省議會

省長趙恆惕

中華民國十年五月三日

湖南省長公署咨覆省議會文

爲咨覆事案准

貴會咨覆議決縣議會閉會後應以議長副議長常川駐會一案除分行外相應咨覆

貴會請煩查照此咨

湖南省議會

趙恆惕

中華民國十年五月四日

湖南省長公署訓令

令各縣知事

爲令行事案准湖南省議會咨開案准貴省長函開案據沅陵縣議會議長馮景奎等漾電稱該會閉會後議長應否常駐議員可否輪駐乞電示等情到署查元年府廳州縣暫行條例尙無此項規定無憑咨覆相應函請貴會請煩查照議決見覆以憑轉飭遵照至緝公誼等因准此當今提出大會討論僉稱縣議會閉會後機關既存自應以議長副議長常川駐會業經多數公決相應按照暫行法第十六條第七項之規定備文咨覆貴省長請煩查照通令施行此咨等由准此除咨覆分行外合行令仰該縣知事即便轉行遵照此令

中華民國十年五月四日

趙恆恩

湖南省長公署指令

令通道縣知事蔡翔唐

呈報辦理禁烟情形及禁烟科應否裁撤請核示由

呈悉據稱該縣裁種吸食二項均已廓清販運亦少發見請裁撤禁烟專科以省經費之處自應照准嗣後該縣關於禁烟事項着即歸併第一科辦理仍仰督飭該縣嚴密查禁毋使毒孽復熾以竟前功此令

趙恆恩

中華民國十年五月四日

湖南省長公署指令

令益陽縣知事盧明遠

呈轉縣議會請恢復城鎮七區議董兩會請示遵由

呈悉查省憲行將告成地方各種制度自當同時制定次第施行在新法未頒布以前各縣城鎮鄉議董兩會毋庸遽議恢復致涉紛更仰即轉行知照此令

趙恆恩

中華民國十年五月四日

內務

九

湖南省長公署咨覆湖南省議會文

為咨覆事案准

貴會咨請查辦警務處長荆介福違背議案有乖職守等因准此除嚴令該處迅遵議決原案執行外相應咨覆

貴會類為查照此咨

湖南省議會

趙恆忍

中華民國十年五月九日

致澧州石門電

澧州李旅長石門唐司令均鑒據陳司令渠珍電稱桑植採米平糶遵飭據賀龍呈稱約需米二萬石懇飭澧石慈庸各軍一體保護等情事關民食仰即轉飭所部加意保護為要趙恆忍印

覆陳司令電

辰州送第十三區陳司令鑒沁電悉桑植採米平糶已電飭李旅長唐司令分飭所部妥為保護矣趙恆忍印

教育

湖南省長公署指令

令新甯縣知事徐漢彪

呈明七八兩年度表以兵士佔駐觀學所案卷無存難於填造並費九年度表由

呈表均悉七八兩年度初等教育簡明表前經本署一再通令填費在案該縣勸學所既於民國八年被兵士佔駐案卷無存延不呈報殊屬疏玩仰即令飭調查補造轉費以便存轉又每年度表應俟學年告終方得綜核列具乃九年度尙未終結即行率予填注經費一欄又不以銀元爲單位辦理均有未合着將原表發還屆時再行核實補造事關考成毋得仍蹈前轍致干未便切切此令

計發還九年度初等教育簡明表一份

趙恆忍

中華民國十年五月二日

湖南省長公署指令

令寶慶縣知事龍 磊

呈費夢蓮女師範員生一覽表請核准備案由

呈表均悉據稱該校係由私人組織具見熱心女學殊堪嘉許惟查該校師範本科學生吳王素等填稱五年二月入校預科學生楊淑華等填稱本校高小學畢業何以本署無案可稽職業班學生究係教授

何項職業亦未妥擬辦法未便遽予照准國民班學生即由該知事查明備案可也仰即轉飭知照此令

趙恆恩

中華民國十年五月二日

湖南省長公署指令

令省立第三師範學校校長顏方珪

呈費憑單請發已故學監劉乙照卹金由

呈單均悉查與核定數目相符准令財政廳照發但此項卹金仍應列入九年七月概算計算書內以歸劃一仰併遵照此令單轉

趙恆恩

中華民國十年五月三日

湖南省長公署訓令

令財政廳廳長楊 丙

爲令行事案據省立第三師範學校校長顏方珪呈爲請領卹金遵填請款憑單懇予察核發款事案奉鈞署教字第二零一四號指令內開呈悉該校管理員劉乙照前因公赴省輪沉身死殊堪憫惻准給該故員卹金一百二十元仰即繕具請款憑單費署以便令飭財政廳就該校九月份餘存經費項下支給可也此令等因奉此遵即填具請款憑單呈請鈞署察核發款以便轉給等情並費憑單一紙到署

據此除指令呈請兩悉查與核定數目湘等准洽財政廳照發但此項郵金仍應列入九月份概算
計算書內以歸劃一仰併遵照此令轉印發外合行檢發原摺單令仰該廳即便遵照給領此令

計發憑單一紙

趙恆惕

中華民國十年五月三日

湖南省長公署示

具呈人長沙建築業會何壽松等呈為開辦夜校費具簡章鈐記請核備案由

呈覽費件均悉前據警務處呈轉該會舉定勸學區董設立講習所請核備案等情到署業經指令照准
在案茲據呈稱請辦四區夜學校與原案相符所擬暫行簡章亦無不合自應准予舉辦惟名稱尙未妥
洽應定長沙建築業會某區補習學校鈐記即照所定名稱刊用另呈備核再查該會徵收學款曾由木
業工人等以藉會勸捐等情呈控前來當即令行警務處暨長沙縣知事秉公查辦尙未具復究竟實情
如何仰該會即便審慎進行切實辦理不得假名歛款併將籌備辦學經費情形詳報長沙縣知事核轉
來署以憑核奪定案簡章暫存鈐記發還註銷附呈併發此批

中華民國十年五月四日

湖南省長公署示

具呈人清理船山書院委員蔣森等呈報清理該書院財產情形由

呈悉據稱該院經理胡紹潛侵吞款項爲數甚鉅殊屬不合候令衡陽縣知事秉公查辦可也此批

中華民國十年五月三日

湖南省長公署訓令

令衡陽縣知事趙聚垣

爲令行事據清理船山書院財產委員蔣森等呈稱船山書院經理胡紹潛侵吞款項等情到署據此除批呈悉據稱該院經理胡紹潛侵吞款項爲數甚鉅殊屬不合候令衡陽縣知事秉公查辦可也此批鈔發外合行鈔發原呈令仰該知事即便遵照辦理此令

計鈔發原呈一件

趙恆惕

中華民國十年五月四日

湖南省長公署訓令

令 公立省立各教育機關
受省款補助各教育機關

爲令行事案查九年度預算前因軍事影響編製後時議決公布逾期更遠迭次核發各月經費均作暫時預支並未確定數目現查省議會議決各該機關經費核與每月預支各數尙多相符間有超過或不足之處爲數無幾統俟給予六月份經費時再行分別補扣但九年七八兩月均在減薪時期不再補發至前次預支各費有未繕費概算憑單者亟應按照每月先後核發補發各數分月繕具書單費署以便

彙交財政廳備案再本年度預算立即公布五六兩月經費應俟各該機關書單到署始能彙案核發以

符法定程序除分行外合行令仰該

校館所社

即便遵照此令

趙恆惕

中華民國十年五月五日

湖南省長公署指令

令私立道南中學校校長萬頌銘

呈費第五班插班生一覽表請核準備案由

呈表均悉准予備案仍候彙咨仰即知照此令表存

省長趙恆惕

中華民國十年五月六日

湖南省長公署覆留日學生監督處公函

逕覆者案准

貴監督處五六九號函開案據留日湘生自費團呈請續咨湖南省長嚴令各該縣知事每年每人津貼中幣百元一案到署查此案前經敝署飭令各縣知事籌撥在卷茲准前因當即據情分令各該縣知事集紳協議酌撥矣相應函覆請煩

查照轉飭該生等知照爲荷此覆

留日學生監督處

湖南省長趙恆惕啟

湖南教育廳公署訓令

令各縣知事

爲合行事案准

留日學生監督處函開逕啓者案據留日湖南自費生團呈稱爲續請咨請嚴令飭妥籌撥給事奉鈞處函開准湖南省長公署函開案准貴處三五九號函開據留日湖南自費生團呈懇咨請湖南省長轉令各該縣每人每年補貼中幣百元一案到署當即抄錄全案分令各該縣知事酌量籌撥矣相應函復請煩查照轉告該生等知照等因准此相應函請查照等因奉此竊湘省政變頻年甫經統一深恐各縣狃於舊習未必一律遵行或藉口防他國留學者之援例或徇各該縣少數紳耆之把持竟等政令如弁髦仍未遵命籌撥者必所不免殊不知留學日本者既不能半工半讀自屬特別困難若不設法救濟危險實不堪言用是續請鈞處再咨請湖南省長從嚴命飭各該縣知事妥爲籌撥以保政令之威嚴而收救濟之實效等情據此相應函請貴省長查照施行爲荷等因准此查留日自費生生活困難情詞迫切前經本署抄錄全案分令各該縣知事集紳協議於縣有財產項下按照籌撥以資造就在案遷延日久多未呈覆茲准前因合行令仰各該縣知事遵照前令妥議呈覆爲要此令

省長趙恆惕

中華民國十年五月七日

湖南省長公署指令

令省立第三女子師範學校校長歐陽駿

呈擬借校屋開辦工廠請核示由

呈悉該校長以私人義籌措經費擬借該校右進房屋數棟招收女生創辦工廠一所養成女子適於社會所必需之生活技能具見熱心職業殊堪嘉許准予備案惟該校將來擴充班次時校舍不敷應用即應覓地遷移仰即知照此令

趙恆惕

中華民國十年五月七日

湖南省長趙示

批交通部立上海工業專門學校湘生陳華松呈請補給公費由

呈悉查該校公費生原定六名前經如額補足在案現在有無缺出未准該校校長函報前來無憑查考縱有缺額可補亦應由校長查明湘生頂補姓名函送到署始能核辦庶清手續而免冒濫仰即知照此批抄由發

中華民國十年五月七日

教育

湖南省長公署指令

令常德私立清真高等小學校

呈爲因兵損失請款補助由

呈悉年來各教育機關因兵受損者所在皆是祇以省庫奇絀挹注維艱該校此次受損自係實情惟所請給款之處未能照准仰即就地籌畫徐圖恢復可也此令

省長趙恆惕

中華民國十年五月七日

湖南省長公署指令

令省視學潘實岑

呈報視察祁陽縣學務情形由

呈費均悉祁陽縣教育行政會議簡章大致尙是但此項會議應有定期第四條規定由勸學所隨時集會等語殊屬不合該條應即更正免生枝節第五條關於經費之籌措支配應由行政會議妥訂章程呈由縣知事採擇轉交勸學所執行至於臨時應付各事亦經會議討論誠恐人言龐雜貽誤事機第六條一三三四項及第七第二項尤無交議之必要業已令縣轉飭更正以臻完善勸學所長黃喬所員張玉成陳天一學款保管員王紹周縣視學會慶昇等均屬稱職模範國民學校校長鄧濟衷教員申鍾嶽黃延齡縣立高等小學校教員彭澤等或辦事認真或管教合法准其傳諭嘉獎以資鼓勵勸學所圖記原

定由本署頒發該所自習所印殊與定章不符應由該所備具刊資郵費呈由縣署轉呈本署刊發原鏤所印即應銷燬教育產款雖經會議劃分如有不敷仍須加籌款項力圖彌補訂定照辦各券均妥洽可行併候抄錄報告書令縣轉飭遵辦可也此令費件存

趙恆忍

中華民國十年五月七日

湖南省長公署訓令

令祁陽縣知事

爲令行事據第五區省視學潘實岑呈報視察該縣學務情形請令飭施行等情並費報告書表及教育行政會議簡章到署據此除指令呈費均悉祁陽縣教育行政會議簡章大致尙是但此項會議應有定期第四條規定由勸學所隨時集會等語殊屬不合該條應即更正免生枝節第五條關於經費之籌措支配應由行政會議妥訂章程呈由縣知事採擇轉交勸學所執行至於臨時應付各事亦經會議討論誠恐人言龐雜貽誤事機第六條一三三四項及第七第二項尤無交議之必要業已令縣轉飭更正以臻完善勸學所長黃喬所員張玉成陳天一學款保管員王紹周縣視學會慶昇等均屬稱職模範國民學校校長鄧濟衷教員申鍾獄黃延齡縣立高等小學校教員彭澤等或辦事認真或管教合法准其傳諭嘉獎以資鼓勵勸學所圖記原定由本署頒發該所自鏤所印殊與定章不符應由該所備具刊資郵費呈由縣署轉呈本署刊發原鏤所印即應銷燬教育產款雖經會議劃分如有不敷仍須加籌款項力

教育

十

圖彌補訂定照辦各券均妥洽可行併候抄錄報告書令縣轉飭遵辦可也此令印發外合行抄發報告書令仰該知事轉飭遵照此令

計抄發報告書一件

趙恆恩

中華民國十年五月七日

湖南省長公署指令

令宜章縣知事朱樹欣

呈為中華工會分會辦理簡易識字學校賈具簡章請核備案由
呈及簡章均悉茲事係為成年工人謀補習教育應將名稱改為私立工人補習學校所授科學作文與國文兩科原屬一門應統稱為國語常識一科查各地補習學校多有設置公民一科者應改作公民科談話一科既有國語課程可資講習應即刪去缺課少而成功多者當照通常學校計核成績辦法不宜專言獎品應併參考修訂至於幼小者全日授課原係補助義務教育另有半日學校辦法應另查照辦理仰即轉知該主辦人遵照修改妥為進行可也簡章存查此令

趙恆恩

中華民國十年五月十二日

實業

湖南省長公署指令

令財政廳廳長

呈報令發漢壽榮福公司請探馬頭鄉等處煤礦執照請備案示遵由
據早已悉准予備案可也此令

趙恆惕

中華民國十年五月六日

湖南省長公署訓令

令耒陽縣知事

為令行事案據財政廳廳長楊丙呈稱為呈覆事案奉鈞署訓令據耒陽縣知事劉庚呈為轉據縣農會幹事胡熙等呈請抽收竹木捐作為農林經費一案行廳查核飭通具報等因奉此遵查抽收竹木捐作為公益經費應以本出產為限庶與就地籌款辦法相符推行方能盡利茲查閱該知事呈稱擬於經過該縣之竹木分等抽收核與定章不合自屬未便照辦除令飭另行籌措俾濟要需外理合呈請鈞座察核等情據此除指令外合行令仰該知事即便轉飭遵照此令

趙恆惕

中華民國十年五月九日

湖南省長公署指令

令臨湘縣知事唐仁杰

呈覆建修堤開情形懇轉令准照前案撥給歷年繹捐由

呈圖均悉據查建開修堤澧河各工程約需洋四萬餘元較之六年朱前知事所擬經費一萬九千六百零六串文相差甚遠除繹捐船捐業經令行財政廳核辦飭遵外此項工程浩大需款甚多該知事應調查實在情形另行造具計畫書費呈核奪至所請委員督修一節現當農忙之時水勢泛漲應否俟秋穫後再行動工併仰該知事查明具覆再行核辦此令

趙恆惕

中華民國十年五月九日

湖南省長趙示

批牛皮業商福利等呈爲公訂幫規請核備案由

呈粘均悉查工商同業公會規則關於組織辦法規定綦詳該商等約集同業公訂幫規核與公會規則多有未合仰查照部章妥爲改訂送由省會總商會核明報由長沙縣署呈請本署核辦可也此批
中華民國十年五月九日

湖南省長趙示

批華容縣民孫伯助等呈請飭縣解除張蔭祚護城垵修防處長職務并請減輕提費由

呈悉查此案前據該縣知事以張蔭祚歷辦堤務卓著勞績不得不棄瑕錄用呈復到署經指令該知事仍隨時查察督飭妥善辦理毋任滋生弊混在卷茲該民等呈稱九年所修潰堤每畝派費二串一百本年堤陞完好每畝重派堤費二串四百等情是否屬實其中有無情弊仰候令行該縣知事迅即查明酌辦具復此批副呈發

中華民國十年五月十日

湖南省長公署訓令

令華容縣知事

為令行事案據華容縣民孫伯助等以稟懇縣解除張蔭祚護城坑修防處長職務暨減輕護城坑本年堤費等情具呈到署據此除批呈悉(同前)此批牌示外合行檢同副呈令仰該知事即便將護城坑九年所修潰堤每畝派費二串一百本年堤陞完好每畝重派堤費二串四百是否屬實有無別項情弊迅即查明酌辦具復為要此令

計發副呈一件

趙恆昂

中華民國十年五月十日

湖南省長公署指令

令嶽麓森林培秧局經理何勁

呈費造林計畫書由

實業

呈及書悉該經理審度事宜修正嶽麓林務計畫尙見詳盡准予備案此令

趙恆惕

中華民國十年五月十日

湖南省長公署指令

令郴縣城區農業分會會長曾澍霖

呈爲商販刁狡奸詐叢生懇頒發佈告由

呈悉據稱該縣商販刁狡奸詐叢生度量權衡任意參差并於菸茶出口貨品摻假作弊以致銷路阻滯農民受其影響等情准令行該縣知事再予嚴切佈告隨時查察以杜弊端至於茶每斤捐錢二文據稱出於農民自願是否可行併候令行該縣知事核議覆仰即知照此令

趙恆惕

中華民國十年五月十一日

湖南省長公署訓令

令郴縣知事

爲令行事案據該縣農業分會會長曾澍霖呈稱呈爲商販刁狡奸詐叢生懇嚴頒佈告以維郴農而濟民命仰祈鑒核示遵事竊查度量權衡乃人民交際之必需貿易之本根而郴縣商民自由出入任意參差已達極點衡則十三四兩爲一觔者有之十八九兩爲一觔者有之廿餘兩三十餘兩爲一觔者亦有

之量則八九升爲一斗者有之十四五升爲一斗者亦有之度則九寸爲一尺者有之八寸爲一尺者亦有之又如菸茶二項爲郴縣出口大宗乃農民衣食之命脈則各商販將茶摻野茶灰抹青礬煤炭溝泥鐵灰菸加空管潮濕以致阻其銷路斷其來源其有收買鄉農菸茶銀水任意高抬甚或每元超過商會定價一百數十文者前雖由職會一併呈請知事將度量權衡依法規定菸茶銀水一律禁止佈告城鄉以昭公允而歸劃一惟各商販奸民刁狡異常不遵縣示聚集商會藉口抵塞似此情形若不設法整頓貽害何窮旋閱農工實業報載及各省近奉農商部訓令對於度量衡器具官督商辦極力整頓法立意美萬民感戴正與職會前之呈請規定度量衡無異又查部頒農會定章內有載及無論省農會縣農會市鄉農會由實業團提出之件及會長會員職員提出之件均應呈請長官佈告實行又與職會之呈請禁革野茶灰抹菸葉空管潮濕及菸茶銀水高抬無異伏查各省各地之度量衡雖有各省各地之異則以一縣之中總在劃一之例買賣交易面定價銀斷無任意高抬之理惟我郴縣鄉農馴順任其奸商之魚肉度量衡任意增減菸茶銀水自由高抬農民受害無可言喻迄至去歲職會組織伊始各地農民均舉代表齊集職會討論農事一切僉稱前項弊端罄竹難數倘能維持若無經費吾農民等自願菸茶每斤捐錢二文充作貴會辦公經費歸菸茶各莊代收轉交伏思郴縣公款早已洗囊回閩區公款又無一文可撥辦理區農會者自當就地籌積以興林政而濟農事今事當其時則該商販既扣農民復行抗捐不繳以爲推翻農會任爾自由總之商販刁狡詭詐百出若不迅頒佈告任爾殘害則農民生命有死無活矣所有前項緣由理合備文呈請鈞署逐一迅頒佈告以全民命而維農政俾職會亦不致於倒閉之

日矣。一、實業 令仰該知事即便遵照以復存此令

日矣實為德便等情據此除指令呈悉(同前)此令印發外合行令仰該知事即便遵照覆奪此令

趙恆惕

中華民國十年五月十一日

湖南省長趙示

批新化鄒德潛等呈為擬設林業公會懇准立案並飭縣照章保護由

呈粘均悉查林業公會規則第六條對於人民設立林業公會呈請立案規定綦詳該民等組織敦信區林業公會照章應由縣轉呈既據稱已呈明該縣知事公署仰候核准呈報前來再行核奪此批

中華民國十年五月十一日

湖南省長公署指令

令農事試驗場場長歐陽藩

呈為擬具簡章修改預算請核示由

呈悉所擬簡章尙見妥洽准予備案至修正預算表雖未超過原案總額而第一項第四節事務員中之售換陳列兩職可併為一人編輯文牘亦可併為一人計全年可減月薪六百元事無曠廢款不虛糜方為一舉兩得仰即遵照辦理可也此令簡章表存

趙恆惕

中華民國十年五月十三日

財政

湖南省長公署指令

令湖南財政廳廳長楊 丙

呈以總金庫擬將每日收入之款平均支配請令飭各機關遵照一案由

呈悉總金庫擬將每日收入之款平均支配事屬可行應予照准除令飭各機關遵照外仰即知照此令

趙恆惕

中華民國十年五月六日

湖南省長公署訓令

令各機關

案據財政廳長楊丙呈稱呈為據情轉呈省金庫擬具財政公開辦法請察核示遵事竊查總金庫為全省現金出納總匯樞紐所有賦稅收入以及軍政各項經費均應統由該庫總司出納以清界限而重計政等因令飭遵照去後茲據該庫總理曹濬湘呈稱職庫奉到民政發款飭書欠發各款已達三十餘萬元之鉅若以後軍費統由職庫開支值此庫款空乏不能隨時如數應付自應預定支配辦法以便執行茲擬軍費一項除由各分庫直接提撥不計外所有總庫收入之款每月無論多寡以軍民兩項各半之數支配除例假停止辦公外於每日午後一時至三時為公開支配時間至三時以後收入之款彙歸翌日如時辦理軍事領款請總司令部軍需處按日特派軍需員屆時蒞庫眼同攤分總領散發民政領款

應請省長公署通令各機關派人如時到庫照案辦理以免偏枯而昭公允理合呈請轉呈核定辦法撰發布告下庫俾資遵守等情到廳據此廳長覆查湘省財政自軍興以來收入短絀支出浩繁出入既不平均分配遂難悉當以致司計樞紐隨事應付迄無標準以爲依歸而領款人員日事奔驅亦不免因失望而生疑義該庫總理擬就該庫每日收入之款無論多寡照數公開攤配事屬臨時辦法似可准予照行至支出之款就軍民兩費而論自應將軍費從優支配以利執行惟全省收入歲約一千二百萬元之譜現在權運局造幣廠收入之款係屬秉承鈞署命令支撥以及省外分庫收入一律指撥就近軍餉不計外其在該省庫收入者僅止近省各屬稅收月計不過二三十萬元以內而民政經費月計三十餘萬元向歸省庫直接支付者較居多數茲該總理所擬僅就省庫每月收數軍民兩費各半分配按諸目前事實似無窒礙擬請鈞署准如所請撰發布告并令飭各機關一體遵照辦理是否可行理合轉呈察核示遵除分呈總司令部等情據此除指令呈悉總金庫擬將每日收入之款平均支配事屬可行應予照准除令飭各機關遵照外仰即知照此令印發并分行外合行令仰該即便轉飭所屬一體遵照此令

趙恆忍

中華民國十年五月六日

湖南省署政務廳致高等

審判廳函
檢察廳函

逕啟者奉

省座面諭據財政廳呈以總金庫每日收入之款平均支配請令飭各機關遵照一案業經指令照准飭

即轉達

貴廳查照辦理等因相應抄錄原呈及指令各一件奉上即乞

察閱爲荷此致

湖南高等 審判
檢察廳

計鈔送原呈指令一件

省長公署政務廳啟

湖南省長公署指令

令財政廳廳長楊 丙

呈請令飭水利局收入繳解金庫以便統籌由

趙恆惕

呈悉仰候令行水利局查照辦理可也此令

中華民國十年五月七日

湖南省長公署訓令

令湖南水利局局長粟顯揚

案據財政廳廳長楊丙呈稱呈爲陳請將水利局收入按日直接解交金庫以便統籌支出事竊維吾湘財政自軍興以來瞬將一載收入之原狀既未完全恢復支出之分配亦時患不均以致竭蹶時形身負

出納之任者無不深感困難與嗟仰屋嘆長任事以來對於現在財政收入支出狀況詳細考查竊以開源節流固屬整理財政要素而收入統一猶爲現今切要良圖省金庫爲全省現金出納總匯機關揆之法理無論何項稅收以及支出軍民兩政各費均應統由該庫總司其事現查各機關欠發經費均在兩月以上屬於軍費者不下二百數十萬元屬於民政費者亦將百萬元之譜陰曆端節伊邇自應秉承鈞座訓示另籌鉅款以度難關惟目下必要經費之應付全賴各機關賦稅收入滙合分支以資挹注查湘省水利局收入湖田莊照費等項爲數甚鉅應懇鈞座命飭該局自五月一日起將莊照費等項收入按日解交金庫核收並將數目通知本廳以便統籌而資分配是否有當理合具文呈請察核令遵實爲公便等情據此除指令呈悉仰候令行水利局查照辦理可也此令印發外合行令仰該局長即便遵照辦理并將繳解之數按月冊報備查毋違此令

趙恆惕

中華民國十年五月七日

湖南省長公署指令

令桂陽縣知事

呈報帶徵十一年田賦附加業經縣議會議決請備案由

呈悉查此次提徵田賦不准帶徵附加前經

省議會議決咨由本署通令在案據稱該縣地方公款竭絀公益停頓經縣議會議決每兩加收附加六

角各節既出自人民公意仰候令行財政廳查核飭遵可也此令

趙恆惕

中華民國十年五月七日

湖南省長公署訓令

令財政廳廳長

案據桂陽縣知事鄧靜安呈稱案查提徵十一年田賦一案前奉鈞署暨財政廳規定不得加收附加通飭遵辦在案惟是職縣軍興以來特別開支極形繁鉅十年附加已於九年挪用殆盡若必恪守成案不收附加勢必公款竭絀公益停頓殊非維持地方之意當由保管處處長李守中趕將本年應辦事宜編造預算呈由職署咨交縣議會議決去後准縣議會議照衡山耒陽各縣仍收附加辦法表決每兩徵銀加收附加六角咨請職署查照施行並咨內稱如再不敷另行開會籌議等因准此職縣以事經縣議會議決業已照案辦理惟事屬附加關係人民負擔理合備文呈請鈞署俯賜察核准予備案并乞指令祇遵等請據此除指令呈悉查此次提徵田賦不准帶徵附加前經

省議會議決咨由本署通令在案據稱該縣地方公款竭絀公益停頓經縣議會議決每兩加收附加六角各節既出自人民公意仰候令行財政廳查核飭遵可也此令印發外合行令仰該廳即便知照此令

趙恆惕

中華民國十年五月七日

湖南省長公署咨覆省議會文

爲咨行事案准

總司令部咨開案准貴署轉咨唐議員芳惠建議核實兵費公開財政妥籌善後一案當經本總司令詳加核閱深堪嘉納但此項辦法本部早已次第施行在案茲准來咨自應分別積極辦理等因准此查此案前准

貴會咨行到署當經轉咨

總司令部採擇實行在案茲准前因相應備咨

貴會即希查照此咨

湖南省議會

省長趙恆惕

中華民國十年五月七日

附錄省議會來咨

湖南省議會爲咨行事案准本會議員唐芳惠建議核實兵費公開財政妥籌善後一案文開軍民長官能得兵民之心者誠也公也軍民政府能資兵民之力者威也信也積長官之公誠而後兵民信服之積兵民之信服而後政府長官之威重凜乎其不可犯是威重憑藉乎兵民兵民奉上以威重自然令行禁止如身使臂臂使指赴湯火冒鋒鏑而莫之辭豈尙有反抗長官動搖政府者哉張毒之軍勢

非不盛也而斂財肥己不以公誠待兵民故爲有威有信之吳馮所左右而被我久困湘南各長官積誠矢公能與兵民共甘苦者一舉而破之逐之恢復我全湘各長官護法功高人格名譽中外欽仰一般人民箠擊犒軍以歡迎我長官兵士而耐一時之供擾者望拯已於水火之中也自是各長官當怵然於護法未竟願念大局益復開誠布公勵兵士恤人民不負湘南初衷仍共甘苦庶整軍布政能固兵民之心聯省睦鄰並促共和之治豈惟吾湘七十五縣當感激而圖報我各長官之人格名譽益煊赫於中華歷史垂光耀於無窮矣乃譚前總座兼省長徒媚僚佐罔恤兵民啓平江之叛鮮蹈張毒之覆轍馴致常德長沙風潮遞嬗雖由奸回之煽亂得毋公誠之有虧吾湘金融紊亂政局叢脞匪伊朝夕前總座兼省長種其因適我湘總座林省長食其果羣見共仰咸抱不平幸賴兩公誠信素孚故各在省軍長及名流團體得與籌策以應付之然而八百萬之急需限以兩月僅乃治標一千六百萬之兵費豈湘省常年所能勝將欲治本以善後非核實兵費昭示大信不可姑無論立憲共和兵額兵費須經議會之公認然六年兵額原狀查僅兩師暨各鎮守備隊數千今則財政益窘縱遂張得械實際豈能倍加總司令有見於此汰冗員裁從兵撤連隊無非本身作則核減浮費整飭戎行樹各軍之模範視兵民如一體吾見法從近始在省各軍當亦是則是儆省外各防區軍隊槍械之不敷支配固有目所共知徒手而兼冒空額亦事實所難掩試思徒手何裨軍實冒餉祇叢怨聲以本省人民充本省兵士兵與民息相通也痛相切也各有父老昆弟各不甘父老昆弟之顛連困苦竭膏髓以供長官之揮霍也美服人指高明神惡爲長官者亦奚取乎奢靡喪德恃人恃出而忍視本鄉之父老昆弟顛連

困苦以垂斃也。又况俄黨影響社會潮流勞動平均生活平等學說傳播聽聞易消故今兵不可欺民亦不可侮也。平時空額長官擅其利臨陣致死小兵當其衝兵民交煽大半解體兩月以來保定許昌河間南陽南宛洛陽冀州濰縣高陽羅田大冶鍾祥宜昌天門黃州處處告兵變矣。內容雖非一因多數皆藉索餉兵費亡國禍在眉睫識時務者爲俊傑各軍長官之舉動實關吾湘之存亡甯不念祖宗邱墓生息託跡之地耶。若欲存吾湘保主權竟護法永崇人格名譽所願懍然共悟規仿吳馮近法總座開誠布公核減浮費務期一槍一兵一餉貴精不貴多愛兵亦愛民斯利不壅而大信昭費不糜而正餉裕所謂民信則食足食足則兵足從此更編軍隊統一兵制吾見民力贍兵心固上下交孚法紀自嚴政府威信自重可以治內可以對外否則內政未飭遽言向外設再一蹶何以復振議員等風雨同舟傾覆是懼敢瀝肝膽用貢芻蕘擬列甲乙兩期辦法如左

(甲)現在救濟辦法八條

(一)第一師暨各旅軍隊由總司令親臨檢查實有不合用炮位若干馬匹若干步槍機關槍各若干其他現在必需夫丁共應挑配士兵若干併各部直轄官佐分別造製年度額支活支預算冊各兩份彙存總部備查

(二)由總司令特派軍事檢查總處長員檢查軍需處兵工廠暨屬於全省現在軍務必設機關實在狀況可併者併之支配費用分別造製年度額支活支預算冊各兩份繳存總部備查

(三)由總司令特派軍事檢查總處長員親赴中路各防區司令部調集所轄各軍隊按照第一師暨

- 各旅部辦法確實檢查分別造製年度額支活支預算冊各兩份限九年十二月內繳存總部備查
- (四)由總司令特派軍事檢查分處長員分赴西南兩路各防區司令部調集所轄各軍隊按照第二師暨各旅部辦法確實檢查分別造製年度額支活支預算冊各兩份限十年一月內繳總部備查
- (五)湘省自民國七年護法軍興至九年六月以前譚前省長曾交議發行軍事公債條例案內載所有湖南護法政府向人民籌借各款及各軍應領未支薪餉一律填給湖南軍事公債付息還本分年妥辦業經本會一讀會議付審查今兵士欠餉雖由政府承認分三期發現官佐乃人民中優秀份子所有應領欠薪當體諒政府與人民借款一律填給軍事公債券應由特設湖南財政清理處迅即切實併案調查限於十年一月內分別造冊各兩份繳存總部備查
- (六)吾湘業已軍民分治本會對於軍民行政理無歧視所有以上總部彙集各部各機關預算冊各兩份擬請各以一份彙咨省長公署由省長公署照製預算案提交本會公決
- (七)九年七月湘省恢復以後政府既統一對於各防區軍隊月餉不繼各軍隊長官多令行各縣知事暨縣財務保管處商會向人民借餉或墊款採辦軍用物品經各長官表示以田賦作抵並給有收據者曾否由各司令部隨同月餉冊呈報總部抵銷無從懸揣惟各縣人民當此困苦至極之時既為政府急籌無息借款以應軍隊月餉政府當認由各田賦項下履行抵償况現在又普通預徵一年田賦兼營並進民力不堪擬請省長一面通令各縣知事暨縣財務保管處商會如有九年七月以後關於軍隊借墊各餉確有收據者一律統限於十二月內據實造冊兩份呈核准於應徵田

賦項下載留償還仍一面並册一份咨請總部於已經借墊月餉區司令請餉册內照數抵除

(八)現屆十二月各區司令軍隊仍有迫令縣知事暨警務處商會就地借墊月餉少則四五萬元多則九十萬元者一縣田賦有限即預徵一年何能抵屢次無限之借餉人民沉痛莫敢告哀省與區若兩政府於何適從應請省長迅咨總部通令各防區司令軍隊以後不得自由向各縣人民籌借餉款以保政府信用

(乙)將來整理辦法二條

(一)甲期各條檢查合用槍械核實現支餉額不過漸進主義然從此預計至十年六月底所有月餉及第二期欠餉均須發現合政費統計總額當又在千萬元以上民力既竭款從何籌勢非押借外債不可然負外債以養多兵是自殺政策應請從十年四月至六月無論師部旅部一律抽汰老弱挑留精壯照陸軍制合併編成湖南陸軍兩師兩旅額兵回復六年原狀駐防要塞更挑選兵士兼有學術者編成憲兵隊三營駐省整飭軍紀

(二)各縣知事負捕治盜匪之責民國元二年所有湘省各縣土著小隊均由知事呈請省政府發配槍枝子彈故各縣偶有盜匪知事尙能捕治自後迭經政變小隊更名警備隊原有槍枝多被大軍隊收併而匪乃日熾民乃日困今既將各區司令軍隊照陸軍制分別編制以備對外所有各縣地方安甯責在知事即不得不整飭警備隊其被裁回籍兵士能守軍紀者亦得覓保編入警隊亟應將裁兵繳庫槍枝於五六月內以次發配各縣警隊約計大縣百人中縣八十人小縣六十人由縣

知事提案交縣議會公認歸地方籌給月餉即以認定餉額爲發領槍數除有大股外來土匪必請就近駐防軍隊會勦外若實係知事廢弛捕務縱盜殃民卽照例治以相當處分庶內匪可清民治可圖矣

以上十條僅就管見撮舉大要其有未盡事宜仍希斟酌允當惟議員等對於政府與兵民雙方皆應負責心所謂危難安緘默實本愛護政府之誠迫爲綏戢兵民之計但求財政公開善後有望忌諱嫌疑所不敢避僅依省議會暫行法第十六條第九項提出大會如蒙通過卽咨省長公署轉咨總司令部採擇施行合併聲明是否有當敬候公決等語當於十二月二十日提出大會討論僉謂此案無不贊同可省略審查卽以原案咨請省長轉咨總司令採擇實行案經公決相應備咨貴省長請煩查照迅轉施行實爲公便此咨

湖南省長公署指令

令岳陽縣知事魯蕩平

呈請免徵救貧工廠出品稅釐及獎勵廠長主任由

呈件均悉該知事將原有救貧工廠設法提倡捐廉資助深堪嘉尚該廠長楊成湜及主任趙鑑均能熱心任事其所出洋傘衛生棍棉紗帳料等件亦甚精美着卽傳令嘉獎以示鼓勵至請准將該廠出品豁免釐稅一節應候令行財政廳核議具覆再行飭遵仰卽知照此令費件存

趙恆惕

中華民國十年五月十一日

湖南省長公署訓令

令財政廳廳長楊 丙

案據岳陽知事魯蕩平呈稱竊以振興實業爲當今之要圖提倡固應竭誠而鼓舞尤宜得法庶幾觀感有自奮勵益加實業前途裨益不淺湘省工業一項尙屬幼稚時代雖各種工業學校開辦有年而實行組織工廠以成其事者不數數觀知事於去年六月抵任後將原有救貧工廠設法提倡捐廉資助前該廠長楊成湜及主任趙鑑亦皆熱心任事開辦九月成績卓然可觀所出物品如洋傘及衛生棍各件均屬精美適用但出品甚多銷路宜廣擬請援照提倡實業成例仰懇鈞署轉飭財政廳令行各釐金徵收局凡岳陽救貧工廠出品裝運各處銷售准予豁免釐稅以示優異而該廠長楊成湜主任趙鑑毅力主持熱心教育并擬援照地方興學人員考成條例伏祈鈞署格外優待給予褒語四字以昭激勸匪獨身受者益加奮勉精益求精而風聲所播各屬皆將引爲模範是湘省工業之發達皆我憲座提倡之功也所有呈請豁免該廠出品稅釐及獎勵該廠長主任以示鼓勵各緣由是否有當理合備文呈請鈞署俯賜察核指令祇遵謹實呈該廠所造物品三件伏乞鈞鑒所有毛巾及各種布疋未呈備案合併聲明等情據此除指令「前同」此令印發并分行外合行令仰該廳長即便遵照此令

趙恆惕

中華民國十年五月十一日

湖南省長公署訓令

造幣廠

令推運局

警察廳

案查收支報告為財政公開要件久經擬定書式通令填造並一再令催在案茲查各機關均已陸續造送惟該局迄未依限辦理現在本署亟待彙編公布合再令催該局即便遵照前頒書式自九年十一月起按月補造一份於文到三日內齊署懸案以待毋再玩延切切此令

趙恆惕

中華民國十年五月十一日

湖南省長公署指令

令財政廳廳長

呈覆變通田賦加息限期由

呈件均悉查核所擬變通田賦加息期限尙屬妥協應准照辦仰即轉飭各該縣知事遵照並布告紳民人等一體知照此令清單存

趙恆惕

中華民國十年五月十二日

湖南省長趙示

財政

批湖南商民代表陳植南等呈請取消釐局證金候令行財政廳妥籌辦法呈候核奪由

呈悉查釐局繳納證金辦法本係一時權宜之計該代表等瀝陳弊害昭然若揭自應取銷以恤商困茲據具呈仰候令行財政廳妥爲籌畫另定辦法呈候核奪可也此批

中華民國十年五月十四日

湖南省長公署訓令

令湖南財政廳

案據湖南全體商民代表陳植南龔炯之何邦達蕭莊彭隆至等呈稱竊吾華以農立國外人以商立國農者本也商者末也當此商戰競爭湘人窮困時代謀國是者即令本末兼施提倡實業尙不足以救商而厚民生乃前掌財政者既不提而倡之反以稅額短絀之故巧其名曰釐稅包徵以圖預納證金施此下策稅政徒使寡廉鮮恥之輩乘機而入惟利是圖湊繳證金夥握釐篆恣意苛虐甚如猛獸在上者自喪政柄於前而下者敢任操縱於後間有令行取締則苦於效力薄弱責守稅章則藉口比較不足事事掣肘主權旁落查商船裝運貨物在原產地地方第一局完納山釐及出口正稅而後向章經過下游衡州雷家市湘鄉湘潭靳江河三汊磯岳州城陵磯及他各釐局照驗放行從無留難重徵情事今則一局一貨數徵一徵數倍尤復明苛暗索彼敲此詐大抵以索金之多寡權徵稅之重輕更有全不書票名曰背手酒資勒索甚鉅總之節節留難重重苛卡否則扣船江畔呼籲無門且因遇暴風吼浪全舟覆沒生命財產付之中流者有之携資不足進退維谷者有之沿途愆期跌價商本者有之種種困難言之心痛若

夫公家實收不過十之二三而局蠹私囊已獲十之七八嗟乎以人民之膏脂而供若輩之中飽國商兩病上下交困以致工輟於野商廢於肆縱有出口入口貨物勢迫皆由輪運車載而去內產積滯外貨輸灌利權流出金融枯竭無怪然也竊理財之道全在黜暴用賢維商裕稅爲唯一之要策湘省稅收苟能剔除積弊涓滴歸公何患稅不裕如商不發展茲我省長勵精圖治銳意維新孜孜以興利除弊整頓稅釐爲前提用敢瀝陳釐局苛虐商民苦衷除呈財政廳外爲此涕洟籲懇省長俯察民瘼憫恤商艱痛除積弊嚴加取締擬請令行財政廳一面商令通商銀行籌借鉅款限期償還迅將已繳證金各局悉數退還立予撤銷印委另簡賢員接替收回事權俾資整理一面遴派親信幹委數人不動聲色密爲巡邏各局卡苛擾情弊規定勸懲辦法或如弊輕者撤委弊重者斬決非此不足以伸民憤而湔數十年沈疴流毒并頒示准予商人隨時指名附粘稅票告訴由郵遞呈惟定實究虛坐法令以杜誣控而維稅商植南等爲全湘商民請命難安緘默用祈愚忱是否有當祇候批示施行等情除批「同前」掛發外合行令仰該廳長即便遵照辦理此令

趙恆惕

中華民國十年五月十四日

湖南省長公署指令

令鄱縣知事劉明鏡

呈送十年三月份收支報告書由

財政

呈書均悉准予備查惟查各縣著徵收賦稅遇有交代須將收支款目詳細點交以昭慎重來呈所稱該縣羅前知事任內收支款目礙難補造各情如係頭緒紛繁則尙有數目可查不過需人清理如確無詳細數目該知事當時率爾接交亦有未合但現在歷時未久無論有無細數不難逐項清查仰仍遵照書式自九年十一月起按月查造實著以憑核辦再印花菸酒屠宰硝稅各種報告書自九年十一月起迄未造送倘各該局未經歸併即照前次通令由該知事責成各該局辦理着併知照此令書存

趙恆恩

中華民國十年五月十四日

司法

湖南高等審判廳指令

令華容縣知事沈鎮湘

呈報驗斷劉胡氏命案情形由

呈書均悉此案於本年二月二十二日報官依縣知事辦理命盜案限期及懲獎規則第三條所定出事五日內之限制應於二月二十六日以前呈報勘驗情形乃竟延至將近二月之久始據報廳殊屬玩視庶獄應即加以儆告並仰提犯集證嚴鞫確情遵照同規則第十四條所揭限期審結具報費到驗斷書於勝關胸高及地鄰人證兇犯等格漏未填明凡無傷部位不註無故或俱無故字樣均有未合應予發還更正實核此令驗斷書並發

廳長李漢丞

中華民國四月二十一日

湖南高等審判廳訓令

令芷江縣知事吳劍佩

案准

財政廳函開逕覆者案准貴廳函字九二零號公函開逕啟者案據芷江縣知事吳劍佩呈稱爲呈請准予免扣仰祈鑒核事案奉鈞廳第四八三號訓令案准同級檢察廳函送該知事呈費九年七八九月份

司法支出書表收據到廳查七八九月份係屬減薪時期該知事所賣支出書表於承審員書記員收費書記官均未遵照減薪支給殊與通案不合合行將該書表及各員薪俸收據一併發還仰即查照減薪通令逐項更正從速賣廳再行核辦並仰飭各該員將長支薪俸追還以符通案餘收據存此令計發還九年七八九月份支出計算書九份收支對照表十二份七八九月份承審員書記員收費書記官各員薪水收據共十二紙奉此本應遵照追還何敢多瀆惟知事係九年九月十日蒞任九月十日以前均屬蕭知事官麟任內之事奉令前因知事調查接管卷宗蕭前知事於九年八月九日呈請財政廳免減七月份署內各職員俸薪一案奉到第三三三三號指令開呈悉查各機關減薪通案前奉省長公署令行到廳業經本廳呈奉省長核定將知事俸給按照十六元之數減發其餘職員俸薪爲數無多仍照向例由知事自行支配毋庸照案減發該縣七月份職員薪水既經支發自可照案免扣等因在卷故七八九月份內對於發給承審員書記員收費員各俸薪未經核減現蕭前知事既早已離任承審員書記員收費員亦各星散且現在知事正值交卸其中萬難逐一追還知事不揣冒昧仍將原書表備文呈費乞予核准等情前來查九年七八九月份減薪辦法前准省長公署前後通知到廳當經敝廳先後錄文通令遵照辦理在案茲據該知事所呈如准予免扣當與各縣業遵減薪通令支給造報者不免偏枯且與省長公署所規定減薪通令亦屬不合惟據稱業奉貴廳令准免扣似此辦法殊覺紛歧相應函請貴廳查照究應如何辦理希即見覆等因准此查此案前據該縣蕭知事官麟呈請免減七月份職員薪俸懇鑒核示遵等情到廳當經指令呈悉查各機關減薪通案前奉省長公署令行到廳業經本廳呈奉省長核定將

知事俸給按照十六元之數減發其餘職員俸薪爲數無多仍照向例由知事自行支配毋庸照案減發前經抄錄原呈通令遵行在案該縣七月份薪水既經支發自可照案免扣至該知事七月份俸薪仍照減薪之數支發以符定案等語印發在卷查上年敝廳呈奉省長核定之案係專指知事公署椽屬俸薪向由知事於公費內自行支配者而言且原呈聲明規定既不一律核減毫無標準與司法承審及各書記薪俸歷經貴廳規定額數者乎迥不同斷難相提並論即敝廳指令七月份職員薪水照案免扣一語自係照此次定案就公費內支配薪水之椽屬職員而言並未涉及司法人員概予核減文義明晰按之瞭然該知事牽引敝廳指令呈覆貴廳實屬誤會茲將該蕭前知事原呈及敝廳指令並呈准知事公署辦事人員薪水仍由各知事於公費內自行支配原案抄送查閱以資印證相應函覆貴廳請煩查照轉飭遵照等因並抄送呈省長公署文一件廳令一件蕭知事原呈一件過廳准此查各縣承審書記員及司法收費書記官自九年七月份起至十月份止均應減薪業經本廳先後通令遵照辦理在案該知事造報九年七八九月份司法支出書表未遵通令辦理且牽引財政廳指令乞予核准免減實屬不合茲准前因合行仍將該縣所費九年七八九月份司法支出書表及各員俸薪收據一并發還仰即遵照減薪通令逐項更正迅速覈核至各該員長支俸薪並仰轉知如數退還以重公帑而符通令毋得玩視致干未便再前據該知事呈稱本廳第八四號訓令載各屬司法經費仍照六年度預算辦理并奉到本廳編製該縣九年度歲出預算表一件在卷等語查此項訓令前因會計年度伊邇准

省署函請轉令各縣遵照九年度司法經費暫以六年度之預算爲標準至減薪辦法係臨時發生與預算固定經費當無衝突該知事毋得誤會併仰知照此令

計發還九年七八九月份司法支出計算書九份附屬表九份收支對照表十二份七八九月份承審員書記員收費書記官俸新收據共一十二紙

廳長李漢丞

中華民國十年四月二十六日

湖南高等檢察廳指令

令華容縣知事

呈爲呈覆方張氏一案情形由

呈悉方張氏受傷身死一案其釀命地點雖非華容轄境其尸親亦未赴該知事公署訴狀有案惟被告殺人之李搗卿既經岳陽縣知事電請協拿仰仍遵照前令嚴拿務獲解究毋稍諉延切切至魚捐局委員李冬生越權索贖各行爲既已呈報財政廳有案並候核示遵行可也此令

檢察長蕭度

中華民國十年四月十四日

湖南高等檢察廳指令

令新甯縣知事

呈報林鄧氏服毒身死相驗情形由

呈格均悉林鄧氏服毒身死其母族之鄧家齊等竟敢藉命滋擾毀物毆人此種行爲實爲法所不許且毒從何來有無逼迫及教唆等項情事亦自不無研究之餘地仰速傳集人證偵查明確分別依法辦理毋稍忽延切切此令

檢察長蕭 度

中華民國十年四月十五日

湖南高等檢察廳訓令

令各縣知事

爲通令事案查本廳於民國九年一月曾將辦理案件應行遵守各要點依照法令臚舉十餘條通令各縣知事遵辦並呈報

司法部奉准有案自應切實遵行乃近查各縣情形或因迭遭兵燹案卷散佚或因屢經交替手續生疏以致前項辦法仍未一律遵守殊不足以利訴訟而資改良茲由本廳將辦法十五條重行油印通令除分行外爲此令仰該知事即便遵照辦理並將奉文日期具報備查毋違此令

計發辦理案件各要點共一件

檢察長蕭 度

中華民國十年五月 日

計開辦理案件各要點

一命盜案件宜親自勘驗將一切情形詳細註明勘單勘圖及驗單免致日後有事實不明證據不足之虞相驗屍體並宜按照部位填載屍格格內相驗官檢驗吏屍親兇犯等欄分別署名捺印簽押以昭慎重

一受理刑事案件如偵查完畢認為刑事不成立應以批示或諭知予以不起訴之處分如審理終結認為刑事不成立應以判決行之於判詞主文中揭明某人宣告無罪不得混用免議免究免訴毋庸議等字樣

一批諭應於底稿下標明掛發年月日附卷備查

一判決應同日履行宣示牌示兩種程序宣示名單應記明宣告年月日牌示底稿應記明掛發年月日名單底稿一律附卷

一判詞堂諭均應加蓋官印並由知事及主任人員署名蓋章

一民刑案件宜各立卷宗分別判決不得於同一卷內任當事人以民刑狀紙錯亂呈遞亦不得於同一案中將民刑事件混合裁判

一判詞形式犯罪人應列於被告欄內如告訴人或告發人經官廳認為有犯罪行為時亦應列為被告不得仍目為告訴人或告發人

一兩造互訴案件（一方面告訴一方面反訴）應對於全案加以判決不得僅判一造所主張之事實將

他之一造略而不判

一 一案中之被告若有多數人時除在逃者俟緝獲另判外應對於到案各被告人一併判決不得僅判

一部被告人將其他被告人略而不判

一 判決有罪案件應於判詞主文內宣告罪名及刑名並應於理由內引用法律條文以明體例固不得憑空論罪亦不得任意科刑

一 凡左列各款情形應諭知免訴

(一) 裁判確定

(二) 犯罪後之法律已廢止該罪之刑罰

(三) 法律全免刑罰

(四) 大赦

(五) 提起公訴權之時效消滅

一 凡左列各款情形應諭知駁回公訴

(一) 被告人亡故

(二) 親屬罪無人告訴

(三) 親告罪撤銷告訴

(四) 未提起公訴及提起公訴之程序不合規定

(五)撤銷公訴

(六)案件在審判衙門現行審理及裁判尙未確定

(七)被告人不受中國之審判權

(八)被告人不受通常審判衙門之審判權

一凡判決刑事案件合於左列各款者得製作堂諭毋庸呈費覆判

(一)法定最重主刑爲三等有期徒刑以下之刑而宣告在四等有期徒刑以下者

(二)法定最多罰金不滿五百元者

除前項各款外所有刑事案件均宜製作判詞或照章呈費覆判(但刑律竊盜罪及其贓物之罪

不送覆判)

一凡左列各款刑事案件應歸初級管轄以鄰縣或地方廳爲二審高等廳爲終審

(一)法定四等以下有期徒刑或拘役之罪

(二)法定三百元以下罰金之罪

(三)刑律第三百六十七條第三百七十七條之竊盜罪及其贓物之罪

除前項各款外所有刑事案件均應歸地方管轄以高等廳爲二審大理院爲終審若法定最重主刑

爲三等有期徒刑以上或罰金超過三百元者雖宣告在四等有期徒刑以下或罰金在三百元以下

仍歸地方管轄